

„თანამშრომლობის გაფართოება აღმოსავლეთის პარტნიორობის ქვეყნებისა და

რუსეთის სამოქალაქო საზოგადოებასთან“

„აღმოსავლეთის პარტნიორობის ქვეყნებისა და რუსეთის სამოქალაქო საზოგადოებასთან თანამშრომლობის გაფართოების პროგრამა“ (ÖPR-პროგრამა) 2014 წლიდან ხელს უწყობს სამოქალაქო საზოგადოებებს, მნიშვნელოვანი როლი შეასრულონ დემოკრატიულ განვითარებაში და ხელი შეუწყონ ტრანსფორმაციის მიმდინარე პროცესებს პროგრამაში მონაწილე ქვეყნებში.

ჩვენს უშუალო სამეზობლოში და ამით ევროკავშირსა და გერმანიაში თავისუფლების, უსაფრთხოებისა და კეთილდღეობის მხარდაჭერის მიზნით გერმანიის ფედერალური მთავრობა ÖPR-პროგრამის მეშვეობით ხელს უწყობს ღონისძიებებს, რომლებიც ქმნიან ან აფართოებენ გერმანიისა და აღმოსავლეთ პარტნიორობის ქვეყნების (სომხეთი, აზერბაიჯანი, ბელარუსი, საქართველო, მოლდოვის რესპუბლიკა და უკრაინა) და ასევე რუსეთის დემოკრატიულ, არასამთავრობო მოთამაშეებს შორის თანამშრომლობის მდგრად სამოქალაქო საზოგადოებრივ სტრუქტურებს.

საუბარია გერმანიასა და პროგრამაში მონაწილე შესაბამის ქვეყანაში პროექტის პარტნიორებს შორის თანამშრომლობასა და ამოცანების თანასწორუფლებიან განაწილებაზე. ეს მოიცავს კულტურისა და განათლების პოლიტიკის სფეროში საპროექტო საქმიანობის მთელ სპექტრს.

რუსეთის მიერ უკრაინის წინააღმდეგ საერთაშორისო სამართლის დარღვევით წარმოებული ომის მეხუთე წელს და სამოქალაქო საზოგადოების წარმომადგენლებისა და სტრუქტურებისთვის კიდევ უფრო შეზღუდული სივრცეების გათვალისწინებით მათი მხარდაჭერა კიდევ უფრო მნიშვნელოვანი ხდება.

1. პლურალიზმისა და მედეგობის გაძლიერება - აზრთა სხვადასხვაობისა და მედიის მრავალფეროვნების მხარდასაჭერად და დეზინფორმაციის წინააღმდეგ საბრძოლველად.

პლურალიზმის იდეა თანამედროვე დემოკრატიის ცენტრალური და კონსტიტუციური ელემენტია. მისი ლეგიტიმურობის საფუძველი პირველ რიგში არის გამოხატვის, ინტერესებისა და ღირებულებების იმ მრავალფეროვნების აღიარება და პატივისცემა, რომელიც საზოგადოებაში არსებობს.

ÖPR-პროგრამის ფარგლებში დაფინანსდება პროექტები, რომლებიც ხელს უწყობს ინფორმაციის, გამოხატვისა და მედიის მრავალფეროვნების ჩამოყალიბებასა და განვითარებას, დეზინფორმაციის წინააღმდეგ ბრძოლას და მედეგობის გამყარებას. აქ განსაკუთრებით ისეთი პროექტები იქნება გათვალისწინებული, რომლებიც მიმართულია არასანდო და არასწორი ინფორმაციისადმი საზოგადოების მდგრადობის ჩამოყალიბებისკენ მედიის წარმომადგენლების გაძლიერებისა და კვალიფიცირების, ასევე ხარისხიანი და პლურალისტური (ადგილობრივი) მედიის უკეთესი ხელმისაწვდომობის უზრუნველყოფის გზით. ამასთან ერთად მხარდაჭერილი იქნება ასევე ღონისძიებები უსაფრთხოების ციფრული ტექნოლოგიების განვითარებისა და გამოყენებისთვის.

2. ღირებულებათა დისკურსისა და ადამიანის უფლებების ხელშეწყობა - მეტი ურთიერთგაგებისათვის

ამ მიზნისთვის შეიძლება დაფინანსდეს გაცვლითი და კულტურული პროექტები. ურთიერთშეხვედრებმა უნდა უზრუნველყოს ისეთი თემების შესახებ დიალოგი, როგორიცაა ადამიანის უფლებათა პატივისცემა, მმართველობის კანონიერება, სასამართლოების დამოუკიდებლობა და სიცოცხლისა და თავისუფალი არჩევანის უფლება, ასევე ხმათა უმრავლესობით არჩევის პრინციპი. ამ ღირებულებათა ერთობლივი მხარდაჭერა ხელს უწყობს ურთიერთგაგებას აღმოსავლეთ პარტნიორობის ქვეყნებში და ამ ქვეყნების შესახებ ცნობიერების ამაღლებას გერმანიაში. დაფინანსდება ისეთი ღონისძიებები, რომელთა შედეგად სამოქალაქო საზოგადოებრივი დიალოგის ან კულტურული ღონისძიებების მეშვეობით ხდება ზემოაღნიშნული ფუნდამენტური ღირებულებების გაზიარება, გაძლიერება და პარტნიორ ქვეყნებში სამოქალაქო საზოგადოების ქსელის ჩამოყალიბება ევროპული ინტეგრაციისა და თანამშრომლობის კონტექსტში.

3. მომავლის პერსპექტივების შექმნა და დემოკრატიული ცვლილებების განხორციელება - დემოკრატიის გაძლიერებისთვის, კორუფციის დამარცხებისთვის, ევროკავშირთან დაახლოებისთვის.

ამ მიზნისათვის შეიძლება დაფინანსდეს ისეთი ინიციატივები, რომლებიც აძლიერებს დემოკრატიულ მისწრაფებებს, რათა ყველას მიეცეს მყარი საზოგადოებრივი მომავლის პერსპექტივა. განსაკუთრებით უკრაინაში ჩვენს პრიორიტეტს წარმოადგენს ტრანსფორმაციის პროცესებისა და საზოგადოებრივი სტრუქტურების შენარჩუნება და აღდგენა, რომლებიც რუსეთის მხრიდან წარმოებული ომის შედეგად განადგურდა. ჩვენ ასევე ხელს ვუწყობთ განსაკუთრებით ისეთ პროექტებს, რომლებიც პარალელურად მიმართულია უკრაინისა და მოლდოვის რესპუბლიკის ევროკავშირში გაწევრიანებისკენ,

საქართველოს ევროკავშირის პერსპექტივისკენ და სომხეთის ევროკავშირთან დაახლოებისკენ. რუსეთსა და ბელარუსში ჩვენ ვამახვილებთ ყურადღებას სამოქალაქო საზოგადოების იმ სეგმენტებზე, რომლებსაც მზარდი რეპრესიებისა და ემიგრაციაში შესაძლო მუშაობის მიუხედავად შეუძლიათ კვლავაც იქონიონ გავლენა თავად ქვეყანაში და, მაგალითად, დაიცვან ფუნდამენტური უფლებების აღსრულება. დაფინანსდება ასევე აკადემიური, პროფესიული და საზოგადოებრივ-პოლიტიკური განათლებისა და კვალიფიკაციის ამაღლების ღონისძიებები, რომლებიც ხელს უწყობენ მეტი საზოგადოებრივი ქმედების მოტივაციას და შესაძლებელს ხდიან პოლიტიკურ და საზოგადოებრივ ჩართულობას, განსაკუთრებით მარგინალიზებული ჯგუფების. ეს ასევე მოიცავს ღონისძიებებს სამოქალაქო საზოგადოების აქტივისტებისა და პროექტის პარტნიორების მხარდასაჭერად, რომლებიც ომის, დევნის, რეპრესიების ან განსაკუთრებით სტრესული სოციალური კონტექსტის გამო მომატებულ დატვირთვას განიცდიან.

4. დიალოგისა და დაახლოების ხელშეწყობა - ნდობის აღდგენის ღონისძიებები პერსპექტივაში რეგიონალური კონფლიქტების დაძლევისათვის.

დაფინანსდება ისეთი ღონისძიებები, რომლებსაც მოუგვარებელ რეგიონალურ კონფლიქტებში კულტურისა და განათლების პოლიტიკის ინსტრუმენტების გამოყენებით კრიზისის პრევენციისა და დაძლევის ეფექტი გააჩნია და რომლებიც ამით ურთიერთგაგებას ემსახურება. ეს მიზანი მიმართულია განსაკუთრებით სამხრეთ კავკასიის ქვეყნებისკენ (სომხეთი, აზერბაიჯანი, საქართველო) და მოლდოვის რესპუბლიკისკენ. მისასაღმებელია საპროექტო წინადადებები, რომლებიც ფოკუსირებულია მოსაზღვრე ქვეყნებს შორის შავი ზღვის საზღვრისპირა თანამშრომლობის რეგიონულ პერსპექტივაზე და ამით ქმნის სინერგიას ევროკავშირის შავი ზღვის სტრატეგიასთან.

რუსეთის მხრიდან წარმოებული ომის ფონზე ბევრმა ადამიანმა დატოვა უკრაინა, რუსეთი და ბელარუსი და აღმოსავლეთ პარტნიორობის სხვა ქვეყანაში გადავიდა საცხოვრებლად, რადგან თვლიდნენ, რომ საფრხე ემუქრებოდათ მათი შეხედულებების გამო. ამიტომ ასევე დაფინანსდება ისეთი პროექტები, რომლებიც ხელს უწყობენ დიალოგსა და ამ ადამიანების სამოქალაქო ჩართულობას, ასევე მათ დაახლოებას სამოქალაქო საზოგადოებასთან მათ ახალ სამშობლოში და ამით წვლილი შეაქვთ გამძლე, ინკლუზიური და დემოკრატიული საზოგადოების შექმნის საქმეში.

2027 წლის დაფინანსებაში ასევე არსებობს ქვეყნისთვის სპეციფიკური შემდეგი პრიორიტეტები:

- **სომხეთი/აზერბაიჯანი:** საპროექტო წინადადებები შერიგების პროცესის ხელშეწყობისთვის (სამოქალაქო) საზოგადოების დონეზე.
- **სომხეთი:** საპროექტო წინადადებები სომხეთის ევროკავშირში გაწევრიანების შემდგომი მხარდაჭერისთვის.
- **ბელარუსი:** დამოუკიდებელი მედია-ლანდშაფტის ხელშეწყობა ემიგრაციაში და ბელორუსული ენისა და კულტურის ავტონომია.
- **საქართველო:** საპროექტო წინადადებები პლურალისტური და მდგრადი სამოქალაქო საზოგადოებისა და მედია-ლანდშაფტის მხარდასაჭერად, ასევე დეზინფორმაციასთან საბრძოლველად.
- **უკრაინა:** საპროექტო წინადადებები, რომლებიც ხელს უწყობს 2027/2028 წლების გერმანულ-უკრაინული კულტურული სეზონის მიზნებს.

ფორმალური წინაპირობები (დამატებითი ინფორმაცია იხილეთ ხშირად დასმული შეკითხვების განყოფილებაში):

სამოქალაქო საზოგადოებრივი თანამშრომლობის პროექტების დაფინანსება შესაძლებელი იქნება, თუ ისინი განხორციელდება გერმანიაში, სომხეთში, აზერბაიჯანში, ბელარუსში, საქართველოში, მოლდოვის რესპუბლიკაში, უკრაინაში ან რუსეთში და პროექტში მინიმუმ ორი ორგანიზაცია იქნება ჩართული (ერთი მათგანი გერმანიიდან და მინიმუმ ერთი სამიზნე ქვეყნიდან). დამატებით მივესალმებით პარტნიორი ორგანიზაციების მონაწილეობას **საფრანგეთიდან და/ან პოლონეთიდან** ვაიმარის სამხრეთი თანამშრომლობის ფარგლებში. ასევე შესაძლებელია დაფინანსდეს იმ პარტნიორი ორგანიზაციების პროექტები, რომლებიც დროებით ემიგრაციაში/დევნილობაში იმყოფებიან რეგიონში ან გერმანიაში.

დაფინანსდება მხოლოდ და მხოლოდ სამოქალაქო საზოგადოებრივი პროექტები და არა სახელმწიფო და ბიზნესის წარმომადგენლები.

დაფინანსებისთვის გათვალისწინებულია სახელმწიფო ბიუჯეტის საპროექტო სახსრები. ეს ნიშნავს იმას, რომ იგი ექვემდებარება წლიური ბიუჯეტის პრინციპს. აქედან გამომდინარე პროექტები როგორც წესი უნდა დასრულდეს 2027 წლის

განმავლობაში. ე. ი. **2027 წლის 31 დეკემბრამდე**. გერმანიის საგარეო საქმეთა სამინისტრო მიესალმება ასევე უფრო ხანგრძლივ პროექტებსაც (მაქსიმუმ 3 წელი), მაგრამ მხოლოდ მათი დეტალური და არგუმენტირებული დასაბუთების შემთხვევებში.

დაფინანსების მინიმალური ოდენობა შეადგენს 50.000 ევროს. დაფინანსების მაქსიმალური ოდენობა არ არის განსაზღვრული. პროექტთან დაკავშირებული უსაფრთხოების ზომების ხარჯების დაფინანსება, როგორც წესი, შესაძლებელია. საპროექტო იდეების (გერმანულ ან ინგლისურ ენებზე) გაგზავნა შესაძლებელია 2026 წლის 7 აგვისტოდან 15 სექტემბრამდე **მხოლოდ** შემდეგი ვებ-გვერდის მეშვეობით:

<http://oepr.diplo.de>

ამ ვებ-გვერდზე თქვენ იხილავთ დამატებით ინფორმაციას და საპროექტო განაცხადის შემოტანის წესებს. შემოტანილ პროექტებში ცვლილებების დამატება და პროექტების დაგვიანებით შემოტანა შეუძლებელია.

გრანტის მიმღებები ვალდებული არიან წარმოადგინონ გრანტის გამოყენების სათანადო მტკიცებულება და პროექტის ანგარიშები. ამ ანგარიშებს იყენებს გერმანიის საგარეო საქმეთა ფედერალური სამსახური და გერმანიის საგარეო საქმეთა სამინისტრო სახსრების სწორად გამოყენების, პროექტების წარმატებისა და მთლიანად დაფინანსების პროგრამის შესამოწმებლად. დამატებითი ინფორმაცია შეგიძლიათ იხილოთ ზოგად და სპეციალურ დამატებით დებულებებში, ასევე განაცხადის შესახებ გადაწყვეტილების მიღების ფარგლებში.

დამატებითი შეკითხვების შემთხვევაში გთხოვთ, ჯერ გაეცნოთ ხშირად დასმული შეკითხვების პასუხებს (FAQ). თუ თქვენს შეკითხვაზე ვერ მოიძიეთ პასუხი, გერმანიის საგარეო საქმეთა ფედერალური სამსახურის გუნდი თქვენს განკარგულებაში იგულისხმებს. გთხოვთ, მას მიმართოთ ელ. ფოსტაზე oepr@bfaa.bund.de.

ვებ-გვერდზე <http://oepr.diplo.de> მუშაობისას **ტექნიკურ სირთულეებთან** დაკავშირებით გთხოვთ მიმართოთ ქალბატონ იულია მელტკეს (Julia Meltke, ელ. ფოსტა: f-pf-1-1-8@bfaa.bund.de) და ქალბატონ ჟანეტ სტეფანიაკს (Janett Stefaniak, ელ. ფოსტა: f-pf-1-1-5@bfaa.bund.de).